

L'apoteca Pütia a Picolin é stlütta dai 15 ai 22 d'otober 2023.

La doturia Grete Mahlkecht é demez dai 23 cina ai 31 d'otober y vëgn sostituida dai 23 ai 27 d'otober dal dotur Agreiter 333 13 80 852 y dai 30 ai 31 d'otober dala doturia Mattioni Lodovica 328 85 90 842.

Al pó gní fat la vacinaziun cuntra les coies ti ambulators di doturs de ciasa.

## PLOANIES SAN MARTIN Y LUNGIARÜ

"Cun les lîtes en domënia, ai 22 d'otober, vëgnel metü les striares por le dagní" dij le Vësko Ivo Muser. Les cuestiuns politiches, soziales y ecologiches ne pó nia nes ester anfat, porchël incorajëia le Vësko adöm cun la Comisciun diozejana por le laur y la iustizia soziala da jí a lité.

A düc i pers che pó tó pert incö ala festa di maridá iubilars ti aoda les comunités da San Martin y da Lungiarü ch'ai pois vire ciamó tröc agn deboriada cun sanité tl amur y tla fedelté.

Tla pert daite ciafëise ciamó n iade le program dl'Edema dla Fede dai 15 ai 22 d'otober, a chëra ch'i sëis düc dër bel inví da tó pert.

En domënia, ai 22 d'otober, dales 10.00, sona dala Gran Mëssa a San Martin la Musiga por rengraziament dla Uniun en gaujiun de 30 agn de ativité dl dirighënt Sepl Pezzei.

## SAN MARTIN

La Uniun dles Ères invíëia dotes les ères la sabeda ai 21 d'otober da jí a ti ciaré ala fabrich dal café "Caroma" a Fié dl Sciliar, marëna dal Santner's y tru de meditatiun ia Ciastel de n'ora y mesa da ji sauri. I piun ia dales 7.00 dal zënter. Prenoté cina en dedolönesc (17/10): 339 31 15 679. I odun, sce tó auti privac o n bus.

## LUNGIARÜ

I/les Seniors/es da Lungiarü é bel inví/des da gní a carté tla Pizzeria Fornata en jöbia, ai 19 d'otober, dales 14.00, y spo inant vigni jöbia dala medema ora.

Le Cor de Dlijja tëgn ince en chësc ann le marcé en Santa Lizia. Porchël præiel dër bel la jënt da arjigné ca val' patüc da vëne. Präibel y damperfora bel dilan!

-----

La Crusc Blanca d'Al Plan organisëia tla plaza dla Assoziaziun Turistica a San Martin en chësta domënia, ai 15 de otober, dales 09.00 ales 13.00 na proa de reanimaziun por döta la comunité. Vignun/öna é dër bel inví/ada da gni a tó pert y porvé.



unitepastorala.org

# Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net  
curat siur Heinrich Perathoner 339 65 74 213  
redaziun: anton.gasser@rolmail.net - 348 27 44 517 / 0474 523 194

## 15.10. - 22.10.23 n. 47

ultimo termo por comunicaziuns: jöbia, dales 20.00

## 28<sup>a</sup> Domënia ia por l'ann A

### Vangele do san Matí 22,1-14

Gejú ti á cuntè ai gragn proi y ai plü vedli dl popul chësta parabola: Cun le règn dl cil éra sciöche cun n re, che â arjigné ca la noza de so fi. Al à menè sü sorvidus a cherdè i ghesc inví a noza. Mo ai n'orö nia gnì. Dailò àl ciamò n iade ortié sorvidus y ti à racomanè: Dijedi ai inví: Mi past é arjigné, i bos y i tiers da maza é tué ia, döt é arjigné. Gnide a noza! Mo ëi ne s'un fajô nia d'infora, un deperpo é jü te so ciamp, l'ater te süa botëga, indô d'atri é jüs porsura sü sorvidus, i à tortorè y i à copè. Sëgn s'â le re dessenè; al à menè sües trupes, à fat copè i assassins y a süa cité ti àl taché fuch. Spo ti àl dit a sü sorvidus: Le past da noza é arjigné, mo i ghesc n'ê nia dëgns de gnì inví. Jide porchël fora söles strades y inviede düc, chi ch'i incuntëis, ala noza. I sorvidus jüs fora söles strades y à condüt düc adöm chi ch'ai â incuntè, ri y prosc, y le salff da festa s'â impli de ghesc. Canch'ai s'â albü sentè jö y le re ê gnü ite por odèi i ghesc, àl odü danter ite n chestian, che n'â nia le guant da noza. Al ti à dit: Mi amì, cô aste pa tö podü gnì ite chilò zënza guant da noza? Mo chël ne dijô ma nia. Ailò à le re comanè sü sorvidus: Liedi les mans y i pîsc, y sciurèdele fora tla maiü scuritè! Dailò bradlaran y rotaran i dënz.



*N re bindebó dessenus! Magari ince cun rajun.*

*Ché é pa bugn da azeté n te re? Na domanda ch'al n'é nia püc che se fej.*

*Mo la storia de Gejú vá inant y ne s'archita nia cun chësta parabola.*

*Èl instès vá fora tla scuritè danter i malvisti y chi che ne vëgn nia aratá dëgns.*

*Por coienaria vëgnel vistí y incoroné da re y maltraté dai soldas.*

*Desfiguré y malvistí vá tla scuritè a condüje ite tl salff da noza al past dl agnel chi che n'â nia le möt da se cumpré n dër guant da noza.*

EDEMA - ANN "A"	SAN MARTIN	LUNGIARÜ	EDEMA DLA FEDE 2023
<b>15.10.23</b> <b>28<sup>a</sup> Domënia dl ann A</b> <i>Segra de düc</i> <b>Scomenciamënt</b> <b>dl'Edema dla Fede</b>	<i>degöna corona dan mëssa</i> <b>10.00 Mëssa por i Maridá Iubilaris</b> <b>y de Dilan dla Racoïüda</b>	<b>7.50 Corona d'otober</b> <b>8.15 Mëssa por i Maridá Iubilaris</b> <b>y de Dilan dla Racoïüda</b> + Marino Clara, Ties vis y def. fam. Albina Mischi, Pecëi + + Iarone Rungger y Emilia Nagler	<b>EDEMA DLA FEDE 2023</b> <b>La Bibia - apoteca dl'anima</b>  Domënia, 15 d'otober - Gran Mëssa de fede tla comunité de ploania
<b>16.10.23</b> <i>Margareta M. A., Hedwig</i> <b>Lönesc</b>	<b>19.30 Cërtil dl Bibia - partí la Bibia</b> <b>te calonia</b>		Lönesc, 16 d'otober - Cërtil dla Bibia - partí la Bibia tla ploania
<b>17.10.23</b> <i>Ignaze d'Ant., Anselm</i> <b>Dedolönesc</b>	<b>8.00 Mëssa</b> + Sepl Trebo, Pension Tor		Dedolönesc, 17 d'otober - Öri dla Bibia - medejina ince por me? cun Elisabeth Oberbacher y siur Ulrich Fistill a Corvara dales 20.00 tl salf de calonia
<b>18.10.23</b> <b>Dedemesaledema</b> <i>Lüca vangelist</i>	<b>18.00 Corona d'otober</b>	<b>7.30 Mëssa</b> por la Uniun di/dles Seniors/es + Sepl Chiusura + Josef Kerschbaumer + + Nane y Florian Clara, Brocia <b>dedô Corona d'otober</b>	Jöbia, 19 d'otober - Warum erzählen die Evangelisten Wunder- geschichten (Heilungsgeschichten) cun siur Arnold Stiglmaier a San Martin dales 20.00 tl salf di stödafüch
<b>19.10.23</b> <b>Jöbia</b> <i>Paul dla Crusc, Isach</i>	<b>20.00 Referat tl salf di stödafüch</b> <b>cun siur Arnold Stiglmaier</b> <b>"Wundergeschichten in der Bibel"</b>		Vëndres, 20 d'otober - Sëra dla Bibia cun siur Sepl Granruaz (online) por jogh y manco jogh a Badia dales 20.00 tla Ciasa Runcher
<b>20.10.23</b> <i>Wendelin, Vitalis</i> <b>Vëndres</b>	<b>18.30 Adoraziun chîta</b> <b>19.00 Adoraziun deboriada</b>		Sabeda, 21 d'otober - Essere chiesa oggi cun don Valentino Maraldi dales 9.00 ales 17.00 tl Istitut Ladin a San Martin Modul de basa dl percurs diozejan de formaziun <i>(präibel se prenoté pro Annamaria 347 5277810)</i>
<b>21.10.23</b> <b>Sabeda</b> <i>Ursula y compagnes, Clementina</i>	<b>18.30 Mëssa prefestia</b> <i>(siur Pio Daprè)</i> + Giovanni Unterweger dl ann + Davide Costalunga por les püres Animes		
<b>22.10.23</b> <b>29<sup>a</sup> Domënia dl ann A</b> <i>Domënia dles Misciuns</i> <b>cun oferta</b> <b>Conclujun</b> <b>dl'Edema dla Fede</b>	<b>9.30 Corona d'otober</b> <b>10.00 Gran Mëssa por la Comunité</b> <i>(cun siur Pire Daprè)</i> <b>de dilan por la Uniun dla Musiga</b> dl ann + Cristina Verginer Conrater + Carlo Moling (dl ann) + + proi y miscionars defunc <b>Oferta por les Misciuns</b>	<b>7.50 Corona d'otober</b> <b>8.15 Mëssa por la comunité</b> dl ann + Nisio Clara, Paur de reng. fam. Marino Mischi y vis y def. fam. Pescollderungg <b>Oferta por les Misciuns</b> <b>11.30 Bato de Anna Moling</b> de Benno y Maria	Domënia, ai 22 d'otober - Conclujun dl'Edema dla Fede Prozesciun sö Oies dales 15.15 dala dl'ija de Badia y Mëssa sö Oies 